

ԵՊԻՍԿՈՊՈՍԱԿԱՆ ԵԿԵՂԵՑԻ

Ամերիկայի Եպիսկոպոսական Եկեղեցու գլխաւոր ժողովը (Սինոդ): Церк. Соб. (№ 45) հաղորդում է, որ հոկտեմբերի 5—12 ն. տ. տեղի է ունեցել Օհայո շտատի Սինսինատ քաղաքում Ամերիկայի Եպիսկոպոսական Եկեղեցու գլխաւոր ժողովը, որ գումարւում է իւրաքանչիւր երեք տարին մի անգամ: Ժողովի խորհրդածութեան գլխաւոր կէտերից մէկն էր վճռել, թէ պէտք է այսուհետեւ էլ գործածել «Բողոքական» մակդիրը, որ ցայսօր կիրառութեան մէջ է, որպէս այդ Եկեղեցու յատկորոշ մակդիր:

Եկեղեցու բարեփոխութեան (րեֆորմացիա) կուսակիցները, պնդում են պահել «Բողոքական» մակդիրը, որովհետեւ այդ մակդիրն է արտայայտիչը այն ամեն լաւ բանի, որ ունի րեֆորմացիան: Հակառակորդները առարկում են, որ Եկեղեցին II դարից սկսած որպէս մակդիր ունի կաթոլիկէ բառը, որ իւր նշանակութեան լաւագոյն արտայայտիչն է:

Թէև չէ յաջողել բոլորովին յապաւել «բողոքական» մակդիրը, բայց սակաւ դէպքում կիրառութեան համար համաձայնութիւն կայացել է: Երկու կուսակցութիւնների գլխաւորները յառաջնմէ, մինչև պաշտօնական ժողովների բացումն, համաձայնութեան եկան, կուսակցութիւններից այն՝ որ անհրաժեշտ է համարում «բողոքական» մակդիրը և ընդունում է Եկեղեցու մէջ չորս կէտեր, այն է ս. գիրքը, առաքելական և նիկիական հանգանակները, պաշտօնեաների երեք աստիճանաւորութիւն (սարկաւազ, երէց, Եպիսկոպոս և խորհուրդները, համաձայնութեան եկաւ այն կուսակցութեան հետ, որ ցանկանում է Եկեղեցին կաթոլիկէ կոչել և Եկեղեցու մակդիրը որոշելու մի նախագիծ կազմել: Ենթադրւում էր չհրաժարուելով «բողոքական» մակդրի կիրառութիւնից, եղծել միայն գլխաւոր դոկումենտներում, այն է աստուածապաշտութեան գրքերում, որոնց մէջ գործածել «գիրք ընդհանուր աղօթից վասն կատար-

ման խորհրդոց և արարողութեանց սրբոյ «Կաթուղիկէ» եկեղեցւոյ, որ կոչի եպիսկոպոսական եկեղեցի Հիւսիսային Նահանգացն Ամերիկայի»։ Այս նախագիծը կազմելիս ի նկատի են ունեցել հաւատարիմ մնալով անդլիական վերափոխուած եկեղեցուն, նրա հետ միասին անխզելի պահել կապը Քրիստոսի հաստատած պատմական կաթուղիկէ ս. եկեղեցու հետ, որ այդ անունով յայտնի է II դարից սկսած, որի մասին խօսուում է թէ առաքելական և թէ նիկիական հանգանակներում։ Եւ քրիստոնէական հոգւով առաջնորդուած վերեւ յիշուած չորս կէտերին աւելացնել նաև հինգերորդը, այն է Քրիստոսի եկեղեցու անդամ ընդունել այն բոլորին, որոնք Ս. Երրորդութեան անունով կանոնաւորապէս մկրտուած են։

Այս նախագիծը յանձնուեց ստորին պալատի, այսինքն, հոգեւորական և աշխարհական ներկայացուցիչների ժողովին. հոգեւորականները 40 քուէով ընդգէմ 15-(10 ձայն էլ բաժանուեց) ձայն տուին յօգուտ աստուածաշատութեան գրքի վերտառութիւնը առաջարկուած ձևով փոխելուն, իսկ աշխարհականներից (որոնց բացարձակ առաւելութիւն կազմելու համար պակաս էր մի ձայն), յօգուտ ձայն տուին 30, հակառակ՝ 24, և 8 ձայն էլ բաժանուեցին, և նախագիծը չանցաւ։

Ձայնատուութիւնը կատարուում էր ոչ թէ ըստ անձաց, այլ առանձին՝ ըստ թեմերի։

Ձընդունուեց նաև այն առաջարկը, որ աղօթագրքերը օտար լեզուներով թարգմանելիս, յապաւուի «բողոքական» մակդիրը։

1907 թուի գլխաւոր ժողովին՝ 19-րդ կանոնը ուղղուեց այն մտքով, որ եպիսկոպոսը իրաւունք ունենայ թոյլ տալ օտարադաւանին հարկաւոր դէպքում եկեղեցում ճառ ասել։ Այս ուղղումն մեծ ազմուկ հանած լինելով իւր ժամանակին, այժմ մերժուեց։

1907 թուի ժողովը ընդունել էր հիւանդների օծումն, այժմ այդ ևս մերժուեց։

Ժողովը յետաձգեց և այն նախագիծը, որով եպիսկո-

պոսները բարեոք էին համարել արգելել բաժանուած ա-
մուսիներին պահելը:

Գլխաւոր ժողովը զբաղուեց նաև միսիօներական գործով,
և որոշեց քարոզչական նոր հինգ թեմ ևս հաստատել, և
այսպիսով Ամերիկայի եպիսկոպոսների թիւը հասնում է
մինչև 110: Ժողովում՝ սահմանուեց միսիօներու թեան բարձր
վարչութիւնը վերակազմել: Մինչև այժմ քարոզչական
յանձնաժողովը ընտրւում էր միայն գլխաւոր ժողովից, այ-
սուհետև գլխաւոր ժողովը կընտրի յանձնաժողովի անդամ-
ների միացն կէսը: Մնացեալ կէսը կընտրեն քարոզչական
շրջանները իւրաքանչիւրը մի եպիսկոպոս, մի երէց և
մի աշխարհական: Նախագահը ընտրւում է վեց տարով
և նրա իրաւունքը ընդարձակուած է:

Ժողովը որոշեց ժամերգութեան ժամանակ թոյլ տալ
Ս. Գրքի 1611 թ. արտօնեալ թարգմանութեան հետ նաև
1881—1884 թուերի վերստուգուած թարգմանութիւնները:

Կազմուեց յանձնաժողով քրիստոնէական դաստիարա-
կութեան և այն միջոցների համար, որոնցով կարելի լինի
մաքառել անկրօնութեան դէմ:

Ժողովը ընդհանուր հատարական խնդիրներով էլ
զբաղուեց, ինչպէս այդ սովորական է անգլիական և ամե-
րիկական եկեղեցական ժողովներին:

Ժողովը բացի իւր ներքին գործերից հարկաւոր հա-
մարեց մի ընդհանուր, համաժողով գումարել այն բոլոր
քրիստոնեաներից, որոնք Քրիստոսին Աստուած և Փրկիչ
են խոստովանում: Այս բանի համար 7 եպիսկոպոսներից,
7 երէցներից և 7 աշխարհականներից մի յանձնաժողով
կազմեց, որը համաքրիստոնէական ժողով գումարելու
խնդիրը պէտք է քննի: Այդ համաշխարհային քրիստոնէա-
կան ժողովի նպատակը լինելու է միասին խորհրդակցութիւ-
նը հաւատի և եկեղեցական կազմութեան մասին: Յանձնա-
ժողովի աշխարհական անդամներից մէկը—Պիրպոնտ Մորգան
այդ գործի համար նուիրել է 20,000 ֆ. ս. (մօտ 180,000 ռ.):

Այս ձեռնարկութեան յաջողութիւնը լրագրերը կա-
կածելի են համարում, ինկատի ունենալով, որ ինքն եպիս-

կոպոսական եկեղեցին՝ եթէ դժուարանում է իւր մէջ
միութիւն հաստատել, հաղիւ թէ կարող լինի բոլոր քրիս-
տոնէական եկեղեցիները միացնել:

ԲՈՂՈՒԲԱԿԱՆ ԵԿԵՂԵՑԻՆ

Ռուսաստանում

Ի նկատի ունելով, որ ուսանելու հասակի հրէաները
մեծ բազմութեամբ քրիստոնեայ են մկրտւում՝ բողոքական
եկեղեցում, ներքին դործոց նախարարութեան հոգևոր
դեպարտամենտի ցուցմամբ բողոքական գլխաւոր կոնսիս-
տորիան առաջադրել է պատօրներին՝ խիստ հսկողութիւն
ունենալ քրիստոնէութիւն ընդունել ցանկացող հրէաների
վերաբերութեամբ. պատօրները պարտաւոր են իւրաքան-
չիւր դէպքում համոզուած լինել, որ բողոքականութիւն
ընդունել ցանկացողը կրօնական համոզումով է առաջնոր-
դուած, և ամեն մի հրէայ, որ կամենում է բողոքակա-
նութիւն ընդունել, պէտք է երեք ամսից ոչ պակաս
նախապատրաստուի և ենթարկուի խիստ քննութեան:

